

利津縣續志

利津縣續志序

利津北枕渤海界強齊之雄封其風土人文必有卓絕磊落炳焉
爲史冊光者第志乘創修代遠難稽近自明代馮君執中續修而
後清康熙間韓君文焜增修二冊目錄分十卷乾隆二十三年劉
君文確復增一冊目錄亦十卷三十五年程君士範亦增一冊目
錄分六卷皆文筆簡質殆康武功志一體光緒九年盛君贊熙刪
訂韓劉程三志爲四冊目錄十卷今考其論次除彙集諸志外所
增益者殊寥寥也豈採輯之多難歟抑自河患屢經天地涵煦靈
秀雄奇之觀蕩失而鮮所存歟民國二十三年秋前任葉君雲表
奉令續修縣志聘邑人蓋君爾佶紀君鶚元綦君宗杰設局纂輯

登記號 63722

36年 11月11日

913.712
22354
1

甫兩閱月余調署茲土鑒民力凋弊惻然憫之然興廢絕明政教
開發民生揚表海雄風於今日非曰能之竊有願矣爰卽編摩之
餘考其形勢稽其土俗以求治道所在六閱月而書成目錄九卷
附以文徵爲四冊其門類叙次俱詳凡例用資鑒別聊備國史之
要刪云

中華民國二十四年乙亥春二月利津縣縣長臨穎王廷彥序

凡例

方志發凡起例欲其類別精審適於義而已康武功志韓朝邑志文務簡質例嫌蕪雜范吳郡志王姑蘇志陸靈壽志皆古代作家章氏學誠獨以取例未審短之遂爲大純之疵利津韓劉程諸志不載凡例盛志則取裁永清周志例惟求詳今亦踵其成規兼博採諸義而不敢執於一家者時代開新今之所有或古之所無今之所非或古之所是前人定例可法而不可拘也

一因前人所著筆削爲書華陽國志新舊唐書是也盛志刪訂韓劉程三志爲一書同此例矣惟志當遞續非萬不得已不當遞改班繼遷史范繼班書皆存其有而續其無今竊取此義直接

盛志續之若夫粗更凡目錄襲舊文妄事筆削炫爲己有未窺龍門之藩先效狙公之術則吾豈敢

一今志名利津縣續志或疑舊志不更只續新編則新舊各爲其書不相關合非也舊志所無必觀新志新志所無亦叅舊志輾轉相因合爲一書此商文毅補編出而通鑑綱目益顯也

一輿地首要在圖元和郡縣志篇首各冠以圖圖後係四至八到山川經緯之外無旁輟焉圖經之旨也今依之

一縣境四至八到盛志載至濱州界二十里不詳何據今按濱境楊董莊附近縣界計二十五里又載至蒲台界十里亦未詳何據今按蒲境司徒莊附近縣界計二十五里又至霑化縣爲一

百一十里盛志載九十里誤今並正之

一星野已見舊志近代學者少所研求付之闕如不敢妄爲論次也

一風俗舊志已詳今無變易不復記

一禹貢辨土宜定賦制今以田賦屬輿地一門義蓋取此惟清季歷年實征及災緩數目案籍不可確稽故田賦叙表自民國元年始

一戶口應附村莊表內因調查案卷戶丁數目只以鄉鎮爲單位與表例不符今從盛志故例仍附戶口於田賦

一建置志法制也法制所不有應弗入矣今志自光緒九年迄於

今茲兩代制度各有所異故清代廟壇列祀典者今亦記其廢興於後云

一建置應同入法制一門今依盛志故例叙爲專篇次於輿地之後以圖譜先後之序例相適也

一地方財政因租賦盈虧歲有不同歷年附捐等項亦各有差異今將二十二年二十三年度預算列入作爲比較以例其餘

一利津河流變遷疆域易形而土壤物產迭有所更百業消長亦因於是矣故河渠一門專書詳之

一河渠書爲前志所無故自清咸豐五年起其他歷代黃河變遷有關利津者別爲沿革附於本書之後以免叙次混淆

一宮壩堵口工程最鉅由美國建業公司包辦係屬創舉扈家灘經兩次堵築始得合龍故叙之較詳

一永清周志科第仕宦併入選舉表盛志演其例維時仕宦胥由科第故然迄清季仕途漸廣非甲第而仕者固多也併之斯淆矣今於科第學校畢業皆各爲表仕宦悉入登進庶勿淆

一叙人物表體於職官科第學校畢業登進四者皆取年經事緯之例惟因清代民國官制不同職官分表爲二登進分表爲三以清眉目

一盛志有封蔭表一目今各處徵集採訪終闕故無所錄

一盛志記祥異於雜志今則記災不記祥以迷信破除無祥瑞之

可言而旱蝗時疫有關民生至鉅故必記也水災已詳河渠書不復錄

一文徵採輯凡有關文獻前志未採者悉爲補錄邑先儒著作因水患散佚日多茲將各著序文列入用資參證至唐明詩賦多有關輿地之作邑中父老時時傳誦因亦採集及之或訪古者所樂觀也

一永清周志刪八景之圖而並去其吟咏盛志因之文徵亦刪八景之詩按之史裁似無可議然利津河流變遷陵谷易形而景象易湮一樓一池旣不可入建置更不足言形勝惟河海僻陬僅僅有此古人創制之苦心亦非易易偶爾見諸題詠庶於當

年形跡想像流連而興廢舉墜之思油然而起也故永清志去其
吟咏八景之形勢宛在利津文徵盡削諸詩昔時形跡便不可
考韓劉諸志錄其詩非愛其景存其跡而已今文徵補舊志八
景之詩義取於此

督修

署理利津縣縣長王廷彥

河南臨潁縣人

協修

利津縣政府第五科科長張道平

堂邑縣人

監修

利津縣政府第三科科長崔德芳

益都縣人

總纂

蓋爾佶

分纂

紀鶚元

綦宗杰

庶務員

董松齡

書記

趙廷雋

參訂

孟芳隣

河南洛寧

衛祐慶

河南洛陽

張文宣

河南臨潁

李榮標

安邱

蓋爾倬

胡枚勳

牛佐斗

薄如鑑

紀觀禮

石敬亭

李朝傑

李煜俊

崔麟臺

張貴良

林滋銜

高福生

李憲唐

閻兆曾

採訪

馬春泉

蓋星斗

王星階

扈澄溪

王濟文

薄汝沅

孫步文

王錫川

彭震英

紀善達

季葆仁

高鶚年

李觀瀾

尙國仁

劉徵紱

牛學孟

程秀乾

尙綸襄

胡仲節

校對

尙綸襄

繪圖

王燾

王國賢

季葆仁

謄錄

吳金銘

董幼騏

李邾

蓋希讓

博興縣人

劉錫蕃

印刷

濟南經綸實業印刷社

利津縣續志目錄

第一卷

輿地圖第一

建置圖第二

第二卷

法制

第三卷

慈善事業

第四卷

河渠圖第三

第五卷

職官表第一

二

科第表第三

畢業學生表第四

登進表第五

五六七

第六卷

政略

第七卷

宦蹟列傳第一

忠烈列傳第二